

## **Platforma BiH dijaspore u Švicarskoj**

17. – 21. novembar 2015. godine, Bosna i Hercegovina

i-dijaspora

### **Kratka retrospektiva i daljnji koraci**

#### **Uvod**

---

U periodu od 17. do 21. novembra 2015. godine članovi udruženja i-dijaspora, predstavnici Švicarske Vlade i Švicarske Ambasade u Bosni i Hercegovini predstavili su Platformu BiH dijaspore u Švicarskoj u više gradova širom Bosne i Hercegovine (BiH). U Sarajevu i Banjoj Luci održane su dvije konferencije, a u Tuzli i Banjoj Luci bilateralni razgovori sa predstavnicima institucija na državnom, entitetskom i lokalnom nivou kao i nevladinih organizacija.

Sa ovim izvještajem udruženje i-dijaspora želi Vam predstaviti najvažnije zaključke bilateralnih razgovora i konferencija u BiH, te informirati Vas o daljnjim koracima izgradnje platforme BiH dijaspore u Švicarskoj.

#### **Platforma BiH dijaspore u Švicarskoj**

---

Vlada Švicarske prepoznala je na osnovu rezultata studije «Stanovništvo Bosne i Hercegovine u Švicarskoj»<sup>1</sup> Univerziteta Neuenburg (CH) potencijal BiH dijaspore u Švicarskoj za doprinos razvoju Bosne i Hercegovine i odlučila podržati izgradnju Platforme BiH dijaspore u Švicarskoj u saradnji sa udruženjem i-dijaspora.

Rezultati studije i prve konferencije BiH dijaspore u Švicarskoj, koja je održana 13. decembra 2014. godine u Bernu, ustanovili su potrebu uspostavljanja politički, religijski i etnički nezavisne platforme BiH dijaspore za razmjenu informacija, znanja i iskustva. Cilj je da uz pomoć platforme razna udruženja i organizacije BiH dijaspore u Švicarskoj imaju pristup bazi kontakata i mogućnost uspostavljanja virtualnog i realnog kontakta sa drugim udruženjima u Švicarskoj, kao i sa organizacijama i institucijama u BiH.

Platforma BiH dijaspore u Švicarskoj će, između ostalog, i svojim članovima pružati najnovije informacije o aktuelnim aktivnostima dijaspore u Švicarskoj i BiH, podsticati međusobnu saradnju i pomagati u uspostavljanju kontakata i ostvarivanju saradnje između članova platforme, kao i podržavati realizaciju zajedničkih projekata u sektorima privrede, kulture i nauka/obrazovanja.

Nadalje, članovi platforme će imati mogućnost da prisustvuju tematskim konferencijama i naučnim, kulturnim i privrednim skupovima. Cilj je također formirati ekspertne grupe u gore navedenim oblastima za razmjenu informacija, iskustva i znanja.

---

<sup>1</sup> Studija «Stanovništvo iz Bosne i Hercegovine u Švicarskoj», Oktobar 2015. godine (engleska verzija), <https://www.sem.admin.ch/dam/data/sem/publiservice/publikationen/diaspora/diasporastudie-bosnien-e.pdf>.

## Sadržajna diskusija i rezultati bilateralnih razgovora i konferencija

---

Učesnici na bilateralnim razgovorima i konferencijama imali su mogućnost da sa članovima i-dijaspora diskutiraju o pitanjima vezanim za oblasti privrede, kulture i znanja/obrazovanja:

- Šta su očekivanja iz perspektive aktera iz BiH od jedne ovakve platforme? Koji sadržaji i pod-oblasti bi bili interesantni u okviru teme o kojoj se razgovara na određenoj radionici (privreda, kultura, nauka/obrazovanje)?
- Ko su akteri na sceni u BiH sa kojima bi jedna ovakva platforma mogla i trebala saradivati? Kakvu bi dodatnu vrijednost takva saradnja donijela i kome?
- Sa kojim preprekama i problemima (norme, vrijednosti, zakoni, prakse) će se udruženje i-dijaspora i platforma susresti i kako se sa njima nositi?

Nakon više konstruktivnih i interesantnih diskusija, članovi i-dijaspora su uz pomoć svih učesnika skupili dosta važnih informacija i mnogobrojne i konstruktivne ideje kao i konkretne prijedloge. Udruženje i-dijaspora se svim učesnicima zahvaljuje za angažman i konstruktivni rad. U odnosu na očekivanja od platforme BiH dijaspora u Švicarskoj iz perspektive aktera iz BiH želimo Vam predstaviti nekoliko interesantnih prijedloga:

- Privreda:  
Direktna saradnja sa državnim institucijama; organizacija poslovnih foruma; inicijative za zapošljavanje; one-stop-shop; savjetovanje za biznis i ulaganje; fond za investiranje; akademija za poduzetnike; coaching/mentoring start-up-ova; privatno partnerstvo; pod-oblast turizam i medicinski/zdravstveni turizam; podsticaj proizvodnje organske hrane, itd.
- Kultura:  
Rad na lokalnom kulturnom identitetu (predstavljanje BiH identiteta/kulture u Evropi); dvosmjerna kulturna razmjena; dijaspora=tržište; razmjena studenata, prakse za studente u Švicarskoj i BiH; podrška u kompleksnim, birokratskim procedurama (n.p. izvoz/razmjena umjetničkih djela); programi za seniore, itd.
- Nauka/obrazovanje:  
Uvoz znanja u BiH (mentorski sistem); dvosmjerna komunikacija i saradnja; razmjena studenata/profesora/kadrova; prakse u Švicarskoj i BiH; ljetne škole; partnerstvo između univerziteta Švicarske i BiH; izvoz/uvoz znanja (poljoprivreda, rudarstvo, IT-tehnologija, drvna industrija, turizam); uvezivanje univerziteta u BiH u fondove Evropske Unije (kompleksne procedure apliciranja → podrška dijaspora); među-etnička/religijska razmjena/komunikacija; među-sektoralna saradnja (nauka/obrazovanje i privreda), itd.

### **i-platform**

Zentralstrasse 156  
CH - 8003 Zurich  
Phone: +41 (0)44 461 11 59  
Fax: +41 (0)31 544 15 33  
info@i-platform.ch  
www.i-platform.ch

Odgovor na pitanje o mogućim akterima u BiH za saradnju sa platformom bio je na svim radionicama veoma svestran. Predložene su državne institucije te različita ministarstva, ali također i direktna saradnja sa lokalnim zajednicama, gradovima i opštinama, nevladinim organizacijama, univerzitetima i prioritetnim industrijama.

Kao moguće prepreke u vezi saradnje između platforme i aktera u BiH navedeni su, u većini razgovora i diskusija, pojmovi kao nepovjerenje i neinformiranost. Učesnici konferencije izrazili su potrebu za jednom platformom za razmjenu informacija, znanja i iskustva, ali i neophodnost vraćanja povjerenja dijaspore u državu i pojedince.

## **Daljnji koraci**

---

Pozitivan odziv sa strane učesnika konferencije u Sarajevu i Banjoj Luci kao i uspješni bilateralni sastanci sa različitim institucijama na svim nivoima ojačaće i-dijasporu u radu i ostvarenju cilja realizacije platforme BiH dijaspore u Švicarskoj.

Cilj udruženja i-dijaspora je do kraja 2016. godine stvoriti platformu za podsticanje saradnje BiH dijaspore u Švicarskoj, kao i saradnju sa institucijama u BiH. Osnovni cilj udruženja i-dijaspora je da, u saradnji sa Švicarskom agencijom za razvoj i saradnju (SDC), uključi dijasporu u razvojni proces BiH i ojača saradnju između Švicarske i BiH.

Početak 2016. godine biće dostupna Internet stranica platforme, sadržavajući informacije o raznim udruženjima BiH dijaspore u Švicarskoj i institucijama i potencijalnim ključnim partnerima u BiH. Također će se na stranici publicirati novosti o aktualnim aktivnostima platforme.

Konsultacije u formi informativnih prezentacija i javnih tribina sa različitim udruženjima i zainteresiranim pojedincima BiH dijaspore u svim dijelovima Švicarske biće održani od februara do marta 2016. godine. Cilj tih informativnih prezentacija i javnih tribina je upoznati potencijalne članove i partnere platforme sa idejom, zadacima i uslugama platforme BiH dijaspore u Švicarskoj.

U tom procesu će se također formirati ekspertne radne grupe u sektorima privrede, kulture i nauka/obrazovanja. Na sastancima ekspertnih grupa biće omogućena razmjena informacija, znanja i iskustva, kao i debatiranje o mogućim konkretnim projektima, koji bi se tokom 2016. godine mogli realizirati.

Udruženje i-dijaspora i ambasada Švicarske u BiH zahvaljuju se još jednom svim učesnicima za učešće i angažman. Vrijednost i uspjeh buduće platforme za BiH dijasporu u Švicarskoj i ključne partnere u BiH ovise o aktivnoj saradnji svih aktera. Mnoštvo informacija prikupljenih

### **i-platform**


Zentralstrasse 156  
CH - 8003 Zurich  
Phone: +41 (0)44 461 11 59  
Fax: +41 (0)31 544 15 33  
info@i-platform.ch  
www.i-platform.ch

tokom bilateralnih sastanaka i konferencija je od velike važnosti i uzeće se u obzir u procesu kreiranja i realizacije platforme.

O daljim aktivnostima platforme ćemo Vas i dalje informirati i bilo bi nam drago, ako i u budućnosti budete aktivno doprinosili razvoju i aktivnosti platforme BiH dijaspore u Švicarskoj.

Za dodatne informacije i pitanja udruženje i-dijaspora Vam stoji na raspolaganju. Slobodno kontaktirajte desk office i-dijaspora preko sljedeće adrese: [desk@idijaspora.ch](mailto:desk@idijaspora.ch).

Hvala Vam na Vašoj podršci i s poštovanjem,



Ivica Petrušić, predsjednik udruženja i-dijaspora



Bettina Etter, predstavnik Švicarske  
agencije za razvoj i saradnju (SDC)

**i-platform**

Zentralstrasse 156

CH - 8003 Zurich

Phone: +41 (0)44 461 11 59

Fax: +41 (0)31 544 15 33

[info@i-platform.ch](mailto:info@i-platform.ch)

[www.i-platform.ch](http://www.i-platform.ch)